

Tele Aruba a conoce un gran apertura y Cu un gran speranza pa futuro



E sala principal di Tele Aruba tabata yena cu invitadonan, entre nan varios mandatarionan, representantenan comercial, agentenan di publicidad, naturalmente prensa y otronan.

Tabata falta siguramente e miembronan di partidonan di oposicion, esaki sigur no ta refleha un union y respet ora cu e ta necesario. No ta importa di ken e proyecto ta, pero contal cu e ta pertenece na nos pais. Esakinan ta cierto weganen cu ta ser hunga den tur gobernacion. Corda cu primordialmente boso a ser eligi como representante di nos Pueblo y como tal boso mester por haci boso trabow cu tur clase di dedicacion y ariba tur cos cu amor.

Drentando e edificio di Tele Aruba bo ta nota un cambio palpable, na unda tin un bali sumamente elegante cu ta sirbi como recepcion y cu ta duna bo e impresion cu bo ta drelando un edificio cu no ta na Aruba, asina aparte e ta.

Den e sala tabata tin diferente invitadonan, sperando basta largo prome cu e acto oficial a cuminsa.

E prome cu a papia tabata e director nobo di Tele Aruba, señor Robert Kelly, despues a sigui director di Setar NV ing. Roland Croes y Su Excelencia Ministro Presidente señor Nelson Oduer.

56





dirigi cu ta hopi mal ehempelnan ta keda presenta den e programa aki. Corda como hende grandi bo tin mihor tino pa huzga, pero den caso di un mucha esaki por keda den nan memoria cu esaki ta algo normal y cu ta asina bida ta.

Mucha sea ta siña di un programa asina o hasta ta bira victima di un programa asina, si nan no ricibi e guia di nan mayornan. Ora bo tin yiunan chikito ta bon pa boso wak programanan di mucha hunto, pa asina bo por splica bo yiunan kiko ta bon y kiko ta malo. Tin hopi programanan di mucha cu ta mustra e balanza entre e bon y e malo, mescos cu cualkier novela, pero si un mucha no por comprende e mensahe, anto e por tin consecuencianan serio pa su educacion intelectual.

Poco dia pasa den e famoso programa di mucha bow di nomber di "The Simpsons", nan ta pasa con parehanan gay (homosexual) ta casa.

Ki pensamiento un mucha cu ta den su desaroyo por siña di un programa asina? Nan lo pensa cu esaki ta algo normal y hasta por crece y biba cu un pensamiento asina cu un dia nan tambe

por casa cu un persona di nan mesun sexo?

Boso ta comprende awor cuanto maldad, cuanto programanan for di balanza ta ser treci y presenta den boso hogarnan, na unda kizas como mayornan no tin control ariba nan? Hopi, pero hopi, pasobra aki ta keda menciona programanan di mucha ariba un mal nivel, pero cuanto programanan dedica na adultonan mayornan ta laga nan yiunan wak? Tambe hopi. Awendia television a bira e medio mas importante den mayoria hogarnan. E ta e medio mas usa y e ta e medio tambe cu na prome lugar ta kibra e contacto social, cu ta kibra e contacto entre yiu y mayornan y ta kibra e contacto entre e propio mayornan.


Awendia tur cos por, pero esaki tambe mester por tin su frontera y ta keda den bo man como mayornan pa dicide kiko en realidad bo kier haci cu e educacion di bo yiunan.

Habri bo man pa bo responsabilidnan como mayornan ta facil, pero esaki ta

trece cune tambe consecuencianan desastroso cu mañan no solamente bo yiunan, pero bo tambe ta bira victimanan di nan.

Un mucha su mente ta habri for di tempran y ta capta mas liher e parti malo, corda ariba bo mes cu cuanto aña bo a cuminsa corda loke a pasa den bo bida, asina ta no balota bo yiunan, pero yuda semper o un mayor mester ta tur ora presente pa yuda den e desaroyo di nan yiunan. Trece un yiu na mundo ta un bendicion di Señor, pero e ta mucho mas cu e palabra responsabilidad. Awendia bo mester di no solamente 24 ora pa tin bista ariba bo yiunan, pero exageradamente bisa mucho mas cu esaki.

Pa cuanto tempo cu bo dedica na e crianza di un yiu tog cu tempo lo realiza cu ariba cierto terenonan bo tambe a faya, pero tempo no ta permiti pa e ser retrocede, haci ta haci, un mal educacion ta un mal educacion y despues di tempo ta poco por ser haci pa tapa e buraco grandi y profundo aki.



Nan tur 3 a acentua e situacion inhumano cu e hendenan tabata traha aden y cu nan mester a cuminsa for di nada tanto pa loke ta trata equipo y e trahadornan mes. Tele Aruba awor ta conta cu equiponan sumamente capacita y moderno, mientras cu e personal ta den nan temporada di ahustacion.

Despues a sigui e parti na unda historia di Tele Aruba a keda refleha y despues introducion di e logo nobo, e mes un palo di watapana, pero den un forma hopi moderno.

Cu hopi orguyo y entusiasmo nan a presente nan kalender di actividad na tur presente y tambe na e televidentenan. Porcierto mester remarca cu nan ta parce hopi interesante y profesional cu sigur lo pone hopi televidentenan sinta un par di ora tur anochi pa nan por sigui e programanan aki.

Nos di Entre Nos ta desea Tele Aruba tur clase di exito y cu yegada di nan mobil, nos ta spera di por mira mucho mas programanan en bibo cu ta duna un acohida mucho mas interesante na henter e transmision.

Un bista grafico di e acontecimiento importante aki.



Fotografia: Dino Tromp